

ध॒म्मा॒वा॒ण॒घो॒ शान्तः । अ॒हर॒हः॒ प्र॒वृ॒ज्य॒ते । यद॒ग्नि॒-  
हो॒त्रं । प्र॒ति॒षि॒ञ्चे॒त्प॒शु॒का॒म॒स्य । शान्त॒मि॒व हि प॒श॒व्यं ।  
न प्र॒ति॒षि॒ञ्चे॒द्ब्र॒ह्म॒व॒र्च॒स॒का॒म॒स्य । स॒मि॒द्ध॒मि॒व हि ब्र॒ह्म॒-  
व॒र्च॒सं । अथो॒ खलु॑ । पु॒ति॒षि॒च्य॒मे॒व । यत्प्र॒ति॒षि॒ञ्च॒ति  
॥ २ ॥

तत्प॒श॒व्यं । यज्जु॒होति॑ । तद्ब्र॒ह्म॒व॒र्च॒सि । उ॒भय॑मे॒वा-  
कः । प्र॒च्युतं॑ वा॒एत॒द॒स्मा॒ल्लो॒कात् । अ॒गतं॑ दे॒व॒लो॒कं । य-  
च्छ्रु॒तः ह॒विर॒न॒भि॒घा॒रितं॑ । अ॒भि॒द्यो॒तय॑ति । अ॒भ्ये॒वैन-  
द्वा॒रय॑ति । अथो॒ दै॒व॒चै॒व न॑द्गमयति ॥ ३ ॥

प॒र्य॒ग्नि॒करो॑ति । र॒क्ष॒सा॒मप॑ह॒त्यै । त्रिः॒प॒र्य॒ग्नि॒करो॑-  
ति । त्वा॒वृ॒द्धि॒ य॒ज्ञः । अथो॒ मे॒ध्य॒त्वा॒य । यत्प्रा॒चीन॑मु॒द्वा-  
स॒येत् । यज॑मा॒नः शु॒चा॒र्प॑येत् । यद्द॒क्षि॒णा । पि॒तृ॒दे॒व-  
त्यः॑ स्यात् । यत्पु॒त्यक् ॥ ४ ॥

प॒त्नीः शु॒चा॒र्प॑येत् । उ॒दी॒ची॒न॒मु॒द्वा॒सय॑ति । ए॒षा वै  
दे॒वम॑नु॒ष्या॒णाः शान्ता॑ दिक् । ता॒मे॒वैन॑द॒नू॒द्वा॒सय॑ति  
शान्त्यै । व॒र्त्म॑ करोति । य॒ज्ञस्य॑ स॒न्तत्यै॑ । नि॒ष्टप॑ति । उ-  
पै॒व तत् स्तृ॑णाति । च॒तु॒रु॒न्नय॑ति । च॒तु॒ष्पा॒दः प॒श॒वः ॥ ५ ॥  
प॒शू॒ने॒वाव॑रुन्धे । स॒र्वान् पू॒षी॒नु॒न्नय॑ति । स॒र्वे हि  
पु॒ण्या॒रा॒द्धाः । अ॒नू॒च॒उ॒न्नय॑ति । पू॒जाया॑ अ॒नू॒ची॒न॒त्वा॒य ।